

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Općina Cazin dobila 700.000 eura granta	1
Vlada FBiH izvršila izmjenu Odluke o uslovima i kriterijima za kreditiranje	1
Ustavni sud FBiH donio presudu u korist općina Trnovo i Hadžići	2
Nastavak izgradnje poduzetničke zone u Orašju	2
U B. Petrovcu održana javna rasprava o nacrtu Zakona o šumarstvu FBiH	2
Vlada FBiH utvrdila nacrt Zakona o turističkim zajednicama u FBiH	3
U Zenici održana javna rasprava o nacrtu Zakona o šumarstvu FBiH	3
Intervju: Armin Halitović, načelnik Općine Bosanska Krupa	4
Konačno se rješava problem sa psima lualicima u Sarajevu	6
Gračanica kreće u realizaciju milijunskih projekata	6
Intervju: Ermin Hajder, načelnik Općine Bosanski Petrovac	7
Ilidža dobila besplatnu WiFi konekciju	8
Za 2 mjeseca u Prači azil za 500 pasa lualica	8
Za Čitluk prioritet infrastrukturni projekti	9
Zavidovići dobili nove kontejnere	9
Poziv za dostavljanje aplikacija za 7. rundu Investicionog okvira za Zapadni Balkan	10
Osma Osnovna škola od sada nosi ime Osma Osnovna škola "Amer Čenanović"	11

Bilten Saveza općina i gradova Federacije Bosne i Hercegovine

OPĆINA CAZIN DOBILA 700.000 EURA GRANTA OD WBIF

Općina Cazin je dobila 700.000 eura bespovratnih sredstava od WBIF-Western Balkans Investment Framework (Investicijski okvir za Zapadni Balkan) koje namjerava iskoristiti za izradu neophodne studijsko-projektne dokumentacije za izgradnju centralnog kanalizacijskog sistema, navodi se na portalu e-kapija. Od tih sredstava planiraju finansirati izradu studije izvodljivosti, idejnog projekata centralnog postrojenja za prečišćavanje otpadnih voda te glavnog projekta sekundarne kanalizacijske mreže.

Općina je, sa partnerima iz Evropske banke za obnovu i razvoj (EBRD) već izradila projektni zadatak za izradu studije izvodljivosti. Kako aktivnosti idu dalje u tom smjeru pokazuje i podatak da je prije dva dana EBRD raspisala javni poziv za nabavku konsultantskih usluga za izradu studije izvodljivosti. Nakon toga će biti provedena procedura nositelja izrade ove studije. Potpisivanje ugovora je planirano za sljedeći mjesec, a rok za izradu studije je 3 mjeseca. Projekat izgradnje centralnog kanalizacijskog sistema dobio je i podršku ORIO grant programa u iznosu od 3,6 miliona eura bespovratnih sredstava u okviru prvog poziva za dodjelu grant sredstava za 2011. godinu, a izvjesna je i finansijska podrška od Švedske agencije za razvoj (SIDA) i Evropske komisije kroz IPA fondove.

Općina Cazin je još 2006. godine izradila idejno rješenje glavnog kanalizacijskog sistema za područje cijele općine, nakon čega je urađen glavni projekat glavnog kanalizacijskog kolektora, od užeg gradskog jezgra, do lokacije postrojenja u dužini od oko 16,5 km. Na spomenuti kolektor predviđeno je da se putem sekundarnih kolektora priključi najveći broj stanovnika i pravnih lica općine Cazin.

Već je završen jedan dio kanalizacijskog kolektora u užem dijelu gradskog jezgra, a u toku 2012. godine, nakon pribavljanja neophodnih saglasnosti, pristupit će se i izgradnji prve etape glavnog kanalizacijskog kolektora na dionici od Žitarnice do Čuprije u ukupnoj dužini 2000 metara. Rezultati studije izvodljivosti će biti od pomoći Općini da odluči o tome hoće li ići u finansiranje i provedbu investicijskih projekata i pod kojim uvjetima. Inače, Općina Cazin i općinsko preduzeće za vodovod i kanalizaciju su od EBRD-a, za financiranje jednog dijela izgradnje kolektora te sistema za prečišćavanje otpadnih voda, zatražili kredit u iznosu od 4 miliona eura.



32. SJEDNICA VLADE FBiH: IZMIJENJENA ODLUKA O USLOVIMA I KRITERIJIMA ZA KREDITIRANJE

MOSTAR, 5. decembar/prosinac – Vlada Federacije BiH je na današnjoj 32. sjednici u Mostaru izvršila izmjenu „Odluke o uslovima i kriterijima za kreditiranje krajnjih korisnika“ koju je inicirala Komisija za revolving sredstava po projektima "Lokalne inicijative" i "Lokalni razvoj", **uz konsultacije sa Savezom općina i gradova FBiH**, a uzimajući u obzir trenutno veoma slabu iskorištenost raspoloživih sredstava Revolving fonda stvorenih u okviru Projekta Lokalne zajednice (LDP).

Izmjenom bi se postigao bolji pristup općina/gradova, komunalnih preduzeća i drugih pravnih lica finansijskim sredstvima, te njihovo efikasnije korištenje, odnosno stavljanje u funkciju s ciljem razvoja lokalnih zajednica.

Povećan je maksimalan iznos kredita sa dosadašnjih milion na tri miliona KM.

S obzirom na to da se radi o velikom broju projekata čija realizacija zahtijeva značajan duži vremenski period implementacije, uz povećanje iznosa kredita, predlaže se i povećanje roka otplate (sa sedam na 10 godina), te s tim u vezi i povećanje grace perioda.

Izmjenama se, također, primjena Odluke proširuje i na druge djelatnosti od značaja za lokalnu zajednicu.

Za predložene izmjene postoji saglasnost Svjetske banke u pogledu proširenja djelatnosti i izmjene uslova za korištenje ovih sredstava, a sve s ciljem ubrzanja njihovog korištenja, odnosno stvaranja uslova da veći broj aplikacija konkuriše za kreditna sredstva iz ove linije, čime bi se uticalo na poboljšanje infrastrukture, pružanje usluga i ekonomski razvoj na lokalnom nivou.



USTAVNI SUD FBiH DONIO PRESUDU U KORIST OPĆINA TRNOVO I HADŽIĆI

SARAJEVO, 30. decembar/prosinac – Ustavni sud Federacije Bosne i Hercegovine, odlučujući o zahtjevu za zaštitu prava na lokalnu samoupravu načelnika Općine Trnovo i načelnika Općine Hadžići u vezi Odluke o utvrđivanju Igmana, Bjelašnice, Treskavice i kanjona rijeke Rakitnice (Visočica) područjem posebnih obilježja od značaja za Federaciju Bosne i Hercegovine i Odluke o pristupanju izradi prostornog plana područja posebnih obilježja od značaja za FBiH – Igman, Bjelašnica, Treskavica i kanjon rijeke Rakitnice (Visočica) za period od 2007- do 2027. godine, koje je donio Parlament FBiH, nakon provedene javne rasprave 15.11.2011. godine, na sjednici održanoj dana 06.12.2011. godine **donio je Presudu kojom se utvrđuje povreda prava na lokalnu samoupravu.**

U zahtjevu općina Travnik i Hadžići istaknuto je da se suština ovog ustavnosudskog spora tiče razgraničenja nadležnosti u pogledu upravljanja i raspolaganja građevinskim zemljištem te donošenja prostornih i urbanističkih planova.

Podnosioci zahtjeva su istakli da je FBiH donošenjem spornih odluka uzurpirala nadležnosti jedinica lokalne samouprave, kao i da ih u vezi s tim nije konsultovala, te da je na taj način općinama onemogućeno ubiranje izvornih prihoda, taksi i naknada, na ime izdavanja građevinskih dozvola i urbanističkih saglasnosti, čime su prihodi općina umanjeni za 31 milion KM. Spornim odlukama tri četvrtine zemljišta Općine Trnovo, izuzev mjesne zajednice Delijaš koja je vodozaštitna zona, kao i dvije trećine Općine Hadžići izuzeto je i stavljeno pod ingerenciju FBiH. Iz razloga postojanja ovih odluka, općine nisu u stanju pristupiti izradi detaljnog plana, niti pokrenuti razvojne projekte koji bi bili u funkciji očuvanja pretpostavki za život stanovnika na ovom području.

Presudom Ustavnog suda FBiH utvrđeno je da su primjenom spornih odluka povrijeđena prava općina Trnovo i Hadžići na lokalnu samoupravu, te su navedene odluke stavljene van snage.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

NASTAVAK IZGRADNJE PODUZETNIČKE ZONE U ORAŠJU

ORAŠJE, 27. decembar/prosinac – Općina Orašje dobila je 80.000 maraka od Federalnog ministarstva razvoja, poduzetništva i obrta za projekt „Izgradnja ceste u poduzetničkoj zoni – Dusine“. Federalno ministarstvo je prije četiri mjeseca raspisalo javni konkurs za davanje potpore poduzetništvu i obrtu u 2011. godini u kojem je Općina Orašje uzela učešće. Nakon što su objavljeni rezultati potpisan je i ugovor kojeg je u ime Općinskog načelnika potpisao Pero Baotić, pomoćnik za gospodarstvo i infrastrukturu Općine Orašje.



“Nije nikakva tajna, ali je postalo tabu tema da je šumarstvo možda najprofitabilnija grana društva, ali je neodgovornim pristupom većina sredstva išla u džepove pojedinaca.”

U BOSANSKOM PETROVCU ODRŽANA JAVNA RASPRAVA O NACRTU ZAKONA O ŠUMARSTVU FBiH

BOSANSKI PETROVAC, 12. decembar/prosinac – Javna rasprava o Nacrtu zakona o šumarstvu, uz prisustvo velikog broja ljudi iz struke i svih zainteresovanih, održana je danas u Bosanskom Petrovcu. Raspravu je vodio načelnik općine Ermin Hajder.

S obzirom da su velike površine Bosanskog Petrovca pokrivene ovim prirodnim bogatstvom, cilj Javne rasprave bio je upoznati sve prisutne sa Nacrtom Zakona, sa prednostima i nedostacima koji će uslijediti ukoliko Zakon bude usvojen. Ovim Zakonom, koji je proizišao iz presude Ustavnog suda od 2009. godine, mogućnost odlučivanja biće data i lokalnim zajednicama.

“Već dvije godine čekamo novi Zakon koji će napokon vratiti pravo lokalnoj zajednici na samoupravu i obezbijediti odgovorno učešće u ovom procesu.

Nije nikakva tajna, ali je postalo tabu tema da je šumarstvo možda najprofitabilnija grana društva,



ali je neodgovornim pristupom većina sredstva išla u džepove pojedinaca. Svakim zakonom nešto nestaje, a nešto nastaje, pa će tako i ovim. Smatram da je ovo najbolji i najadekvatniji način da Bosanski Petrovac ima svoju bitnu ulogu u gospodarenju našim šumama i da od toga najviše koristi imaju građani Bosanskog Petrovca, istakao je načelnik Hajder.

Prisutni su ovu priliku iskoristili da iskažu svoje mišljenje u vezi ovog Zakona i daju prijedloge koji će putem općinskog načelnika i Saveza općina i gradova Federacije BiH, gdje je načelnik Hajder član Predsjedništva, biti upućeni na dalje razmatranje predlagača zakona.

VLADA FBiH UTVRDILA NACRT ZAKONA O TURISTIČKIM ZAJEDNICAMA I PROMICANJU TURIZMA U FBiH

SARAJEVO, 28. decembar/prosinac – Potreba za donošenjem novog Zakona o turističkim zajednicama i promicanju turizma u Federaciji BiH što ga je Vlada FBiH utvrdila danas, na 31 sjednici u formi Nacrta je prije svega u jačanju i promicanju turizma Federacije BiH i gospodarskih interesa pravnih i fizičkih osoba u toj oblasti, kao i svrsihodnijem organiziranju turističkih zajednica, u skladu s velikim brojem pristiglih inicijativa predstavnika općina/gradova gdje je razvijena turistička djelatnost, kao i turističkih djelatnika.

Novopredložena rješenja su u formi Prednacrta dostavljena svim turističkim zajednicama u FBiH, kantonalnim ministarstvima nadležnim za oblast turizma, Savezu općina i gradova FBiH i Federalnoj upravi za inspeksijske poslove.

Jedno od osnovnih načela na kojima se temelji ovaj zakon je stvaranje mogućnosti da svaka razina vlasti bude odgovorna za njegovu provedbu i sveukupno stanje u oblasti turističke djelatnosti.

Njime se uređuju ustrojstvo i način rada turističkih zajednica, osnovna načela njihovog financiranja i gospodarenja a propisano je da turistička zajednica stječe svojstvo pravne osobe danom upisa u sudski registar.

Pored Turističke zajednice FBiH koju osniva Federalna vlada, postoje turističke zajednice kantona čiji su osnivači kantonalne vlade, zatim turističke zajednice područja koja se može osnovati za područje više općina ili kantona i turističke zajednice općine, odnosno grada koje se mogu osnovati uz prethodnu suglasnost Federalnog ministarstva okoliša i turizma.

U ZENICI ODRŽANA JAVNA RASPRAVA O NACRTU ZAKONA O ŠUMARSTVU FBiH

ZENICA, 27. decembar/prosinac – U sjedištu Vlade Zeničko-dobojskog kantona danas je priređena javna rasprava o nacrtu Zakona o šumarstvu Federacije BiH, koji je u proceduru dostavila Stručna služba Federalnog parlamenta.

Uvodne napomene iznio je Samir Selimović, ministar poljoprivrede, šumarstva i vodoprivrede ZDK, ukazavši da je početkom decembra prestala da važi Uredba koja reguliše ovu oblast, zbog čega je pokrenuta aktivnost na donošenju novog Zakona o šumarstvu.

Prema iznesenim stavovima na javnoj raspravi, ponuđeni Nacrt je neprihvatljiv i mogao bi nanijeti velike štete, prije svega šumsko-privrednim organizacijama i upravama.

Među ostalim, primjedbe su iznijeli glavni kantonalni šumarski inspektor, direktorica kantonalne Uprave za šumarstvo, Nevzeta Elezović, kao i predstavnica Javnog preduzeća "Vodovod i kanalizacije" Zenica Mubina Salkić.

"Svi smo svjesni značaja šuma i kvalitetnog zemljišta za vodosnabdijevanje i u tom smislu su sve naše primjedbe. Smatramo da se vodosnabdijevanju treba dati veći značaj u odnosu na eksploataciju šuma", kazala je Salkić.

Svi zainteresovani mogu pogledati nacrt Zakona o šumarstvu Federacije BiH, na zvaničnoj web stranici ZDK.

Inače, prema zaključku sa 7. sjednice Doma naroda, potrebno je izjašnjavanje kantona o ovom nacrtu, jer on tretira prirodna bogatstva koja su u zajedničkoj nadležnosti kantona i Federacije BiH, a što ranije nije bilo obezbijeđeno.

Kolegij Doma naroda odlučio je da ovaj nacrt bude razmatran nakon što budu dostavljeni potrebni dokumenti, a njegovi predlagači, zastupnici u Zastupničkom domu Slaviša Šućur i Enver Mujala, su zaduženi da u roku od 15 dana pribave mišljenja nadležnih kantonalnih službi.



Prema iznesenim stavovima na javnoj raspravi, ponuđeni Nacrt je neprihvatljiv i mogao bi nanijeti velike štete, prije svega šumsko-privrednim organizacijama i upravama.



"Svi smo svjesni značaja šuma i kvalitetnog zemljišta za vodosnabdijevanje i u tom smislu su sve naše primjedbe."



Armin Halitović dobitnik
priznanja najnačelnik u BiH

INTERVJU: ARMIN HALITOVIĆ, NAČELNIK OPĆINE BOSANSKA KRUPA

Razgovarala: Lejla KURTOVIĆ

SARAJEVO, 27. decembar/prosinac (ONASA) - Načelnik Općine Bosanska Krupa Armin Halitović u intervjuu za Agenciju ONASA govori, između ostalog, o značaju priznanja "Najnačelnik u BiH 2011" koje mu je nedavno dodijeljeno, najznačajnijim projektima i budućim planovima Općine Bosanska Krupa u 2011. godini, nosiocima privrednog razvoja, granama privrede koje imaju najveće potencijale za ulaganje u Bosanskoj Krupi...

ONASA: Dobitnik ste priznanja "Najnačelnik u BiH 2011". Šta Vam znači ovo priznanje?

HALITOVIĆ: Kada u životu nešto radiš iskreno, nedvojbeno, kada svakodnevno donosiš vrlo bitne odluke, kada se susrećeš sa mnogo ljudi koji od tebe očekuju da im pomogneš jer je to tvoja dužnost, kada se nađeš u kriznim situacijama, pa se onda izvučeš ili kada se nađeš u sretnim okolnostima gdje si uspio ostvariti svoj cilj, jednostavno ne razmišljaš kako je to tvoja zasluga, hoće li ti neko na tome zahvaliti ili na bilo koji drugi način odati priznanje. Ali, ako nakon tri godine rada dobiješ nešto što se zove priznanje "Najnačelnik 2011" onda shvatiš da si bio koristan, da si činio dobre stvari. Osjećaj je fascinant. U Banjoj Luci ja nisam bio samo Armin Halitović, bio sam predstavnik svih Krupljana, njihov vođa da tako kažem. Oni su mi najveća motivacija. Njima ovo priznanje mogu i zahvaliti. Znači mnogo, sretan sam.

ONASA: Kako biste ocijenili rad Općine Bosanska Krupa u 2011. godini i koji su najznačajniji projekti koje ste realizovali ili čija je realizacija počela u proteklom periodu?

HALITOVIĆ: Realizirali smo dosta projekata za godinu dana. Neću reći da sam prezadovoljan, jer bi to djelovalo neambiciozno. Uvijek želim više, još bolje. Ono što najiskrenije mogu izjaviti, jeste to da smo iskoristili svaku marku na pravi način, odnosno da smo radili koliko je bilo u našoj moći.

Zadovoljan sam radom uprave, to uvijek kažem. Trebalo je vremena da se stvari poslažu i u tom smislu. Do otvaranja nove zgrade Općine službe su bile raštrkane, smještene na više lokacija. Sada su na jednom mjestu, uvezane i krajnje pristupačne. Otvoren je i Centar za usluge građanima, gdje se vrlo brzo i jednostavno može dobiti sve potrebno.

Kada govorim o projektima, uvijek na prvo mjesto stavljam Poslovnu zonu "Pilana", bez obzira što nije najskuplji projekat. Njegova realizacija definitivno bi trebala da pokrene Bosansku Krupu. To je projekat koji, iz mog rezona gledanja, najviše obećava. Sa osam privrednih subjekata, Općina je kupila kompletnu imovinu ŠIP "Una", nekadašnjeg giganta, a danas firme u stečaju. U toku je administrativna i tehnička procedura za obezbjeđivanje uslova kako bi se na prostoru od oko 170.000 m² izgradila Poslovna zona "Pilana" i u njoj zaposlilo stotine Krupljana. Inicijativa za to krenula je najviše zbog rješavanja dugovanja bivšim radnicima pomenute firme. Moram reći kako sve ide predviđenom dinamikom i da imam punu podršku Općinskog vijeća.

Spomenut ću i vodovod Jezerski-Pištaline-Mahmić Selo i dio Ljusine. To je najskuplji poslijeratni projekat čija će potpuna realizacija koštati oko pet miliona KM. Ostalo je još da domaćinstva koja nikada nisu imala pitku vodu priključimo i da im omogućimo bezbjedno korištenje.

Osim toga, radi se i vodovod za podgrmečka sela. Početak gradnje obilježila je Američka komanda u Evropi US EUCOM i Ambasada SAD u BiH. Vrijednost ovog zajedničkog poduhvata je oko dva miliona KM, što će, uz Američku komandu, finansirati i Ministarstvo odbrane BiH, te Općina Bosanska Krupa. Dalje bih izdvojio izgradnju zgrade gimnazije za čiju je prvu fazu utrošeno 850.000 KM. Asfalirano je oko 10 naselja, uređeni trgovi, šetalište u centru grada. Za sve to treba mnogo novca. Mi uz partnere nekako uspijevamo. Vodimo računa i drugim školama, Domu zdravlja, studentima, đacima, penzionerima, ugroženoj populaciji, itd. Za zadovoljavanje njihovih opravdanih potreba izdvaja se na stotine hiljada KM.

ONASA: Na čemu će biti akcenat rada lokalne vlasti u Bosanskoj Krupi u narednom periodu?

HALITOVIĆ: Kao što smo i do sada, gledat ćemo da svaku marku potrošimo u pravu svrhu. Ne mislimo se vraćati unazad. Nastavljamo još bržim i jačim tempom. Nova godina je prilika za nove poduhvate, nove uspjehe. Nisam neko ko će obećati, pa onda se oglušiti. Zbog toga i neću konkretizovati, ali svakako da će biti još infrastrukturnih projekata, i to redom koji će diktirati najveće i najšire potrebe građana. Akcenat rada lokalne vlasti u Bosanskoj Krupi u narednom periodu zaista će biti privlačenje investitora i zapošljavanje građana. Trudiću se svim silama da ostvarim svoje ambicije, a to je da se uskoro na području Poslovne zone "Pilana" počne graditi i zapošljavati.

Svjestan sam da u Bosanskoj Krupi ima mnogo nezaposlenih i da zbog toga ne vlada sklad i zadovoljstvo kakvo bi trebalo, ali se to ne može mijenjati preko noći. Treba nam još vremena. Nadam se još malo. Moramo se strpiti. Siguran sam da će uskoro ovaj grad živjeti drugačiji život. Ne bi privrednici kupovali zemljišta da na njima ne misle graditi i raditi, a ja ne bih ulazio u ovo sve da nisam optimističan.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.chc.bih-mne.org
www.srb-bih.org
www.chc-cro-bih.net
www.programmed.eu
www.tacso.org
www.euroinfocenter.ba
www.balkanfund.org
www.eurelmed.com
www.eacea.ec.europa.eu

*"U Banjoj Luci ja nisam bio
samo Armin Halitović, bio
sam predstavnik svih
Krupljana..."*



Sa svečanosti otvaranja ob-
novljene ulice Patriotske lige

Savez / Zajedno za uređenu i razvijenu lokalnu samoupravu

ONASA: Ko su nosioci privrednog razvoja Općine Bosanska Krupa?

HALITOVIĆ: Nekoliko obrtičkih djelatnosti, to su, recimo, D.O.O. "Perna-F" koja se bavi uzgojom usjeva i stoke, D.O.O. "ZAH" u metaloprerađivačkoj djelatnosti, D.O.O. "BOSANCAR" koja se bavi proizvodnjom karoserija za motorna vozila, KRUPA KABINE d.d. koja izvozi kabine za radne mašine, D.O.O. "SMRČA" koja se bavi preradom i prometom drveta, D.O.O. ABC Mahić i TIM MED d.o.o. u proizvodnji ljekovitog bilja i organskoj proizvodnji. itd.

ONASA: Koje grane privrede imaju najveće potencijale za ulaganje u Bosanskoj Krupi i šta Općina čini kako bi privukla investitore?

HALITOVIĆ: U principu, one koje su i nosioci. Dakle, drvna i metalna. Lakše je ulagati i širiti nešto što već postoji, nego graditi i stvarati uslove za nesigurne poduhvate. Naravno, napokon moramo u funkciju staviti i turističke resurse sa kojim raspolazemo, a to su prije svega naše ljepotice, rijeke Una i Krušnica, kao i dati puni zamah razvoju poljoprivrede koja ima preduslove da postane razvojna komponenta Bosanske Krupe. Privlačenje investitora sada je preokupacija u Općini Bosanska Krupa.

Dosta snage je usmjereno ka rješavanju i ispunjavanju svih uslova za početak gradnje u Poslovnoj zoni "Pilana". Ne samo snage, već i novca. Određenu garanciju za uspjeh pružaju upravo firme koje su kupile zemljište. Jasno je da su to učinile kako bi gradile i zapošljavale ljude. Najbitnije je da mjesta pored njih ima još. Na situacionom prikazu vrlo dobro se vide sve slobodne parcele, što mnogi potencijalni ulagači imaju na svom stolu. Do danas općina nije imala mogućnost ponuditi ovakvo nešto, sada imamo i znaćemo to iskoristiti. Ja sam siguran u svoje namjere. Vrijeme će pokazati.

ONASA: Prema Vašem mišljenju, koji su najčešći problemi sa kojima se suočava općina Bosanska Krupa?

HALITOVIĆ: Ne razlikuju se od onih koje imaju sve općine u Bosni i Hercegovini. Doduše, neke više neke manje. To je trenutno nezaposlenost; mnogo resursa, a zbog nedostatka novca vrlo malo kapaciteta. To je to. Bosanska Krupa ima Općinsko vijeće koje funkcioniše na zavidnom nivou, ima građane intelektualce, uspješne ljude u svim sferama života, ima sve ono čemu u današnjem vremenu treba još novac da bi se živjelo u pravom smislu te riječi. Vjerujte, zajedno s još više od 30.000 Krupljana sanjam o boljem sutra. Baš kada smo na tragu da ostvarimo zacrtano, nećemo dozvoliti da nam nešto to ugrozi. Jasno je i to da ne možemo protiv svjetske krize, ali možemo izvući najbolje od toga.

ONASA: Kako biste ocijenili trenutnu ekonomsku situaciju na području općine Bosanska Krupa?

HALITOVIĆ: Bojim se da se vrtimo oko istog. Iz svega onoga što sam do sad rekao, zaključiti se može da je ekonomska slika u Bosanskoj Krupi loša. Ono je što je evidentno je da se razlikuje od one ranije, slobodno mogu reći katastrofalne. Govorim o vremenu kada se moglo mnogo toga učiniti, a nije. No dobro, na nama je da ispravljamo stvari, da stvaramo ambijent za bolji život građana.

ONASA: Koliko Općina izdvaja za poticaj privredi i na koji način obezbjeđujete dodatna sredstva?

HALITOVIĆ: Samo za poticaj poljoprivredi izdvaja oko 100.000 godišnje. Dodatna sredstva obezbjeđuje preko viših nivoa vlasti, ali i projekata. Preko Budžeta Federacije BiH (FBiH) kroz program novčane podrške, odnosno kroz kapitalna ulaganja. Mnogo toga možemo zahvaliti i međunarodnim projektima čiju realizaciju pomažu IFAD i FARMA. U posljednje dvije godine značajno je i smanjenje komunalnih taksi i komunalnih naknada. I na taj način smo indirektno privredi ostavili blizu 250.000 KM.

ONASA: Da li ste zadovoljni stepenom zaposlenosti na području općine Bosanska Krupa i šta će općinska vlast uraditi na poboljšanju stope zaposlenosti, posebno mladih i obrazovanih kadrova?

HALITOVIĆ: Možda je apsurdno više o tome govoriti. U BiH, odgovorno tvrdim, ne postoji niko ko je zadovoljan stepenom zaposlenosti. Nisam ni ja u Bosanskoj Krupi. Naročito ako znam da postoji mnogo mladih visokoobrazovanih koji ne rade. Tužno je to. Vjerujte da mene smori ta činjenica, odnosno nemogućnost da trenutno djelujem i riješim problem. Glavom kroz zid ne mogu. Sve što radim i stvaram, imam u podsvijesti zapošljavanje ljudi. To mi je najveća motivacija. Mi stipendiramo sve studente, bez obzira na prosjek ocjena, finansiramo ili sufinansiramo prevoz učenika, djece s posebnim potrebama, pomažemo udruženjima djece, stvaramo i održavamo udruženja mladih, radimo sve da pomognemo toj populaciji. Radimo i na stvaranju uslova za zapošljavanje. "Pilana" je, ustvari, najveća preokupacija jer će se tu zaposliti na stotine Krupljana, među kojima će biti i mladih, svakako.




Grb Općine Bosanska Krupa

*"Sve što radim i stvaram,
imam u podsvijesti
zapošljavanje ljudi. To mi
je najveća motivacija. Mi
stipendiramo sve
studente, bez obzira na
prosjek ocjena..."*



Bosanska Krupa



Bosanska Krupa



Poslovna zona "Pilana"

ONASA: Šta podrazumijevaju ugovori koje je nedavno potpisala Općina Bosanska Krupa, a koji se tiču Poslovne zone "Pilana"?

HALITOVIĆ: Općina je potpisala već nekoliko ugovora vezanih za Poslovnu zonu "Pilana". Krucijalni je onaj o kupovini zemljišta sa još osam privrednih subjekata. Ostali su se odnosili na ugovore s radnicima koji su provodili aktivnosti čišćenja i uređenja, zatim na javnu rasvjetu duž "Pilane", na uređenje građevinskog zemljišta, izvođenje radova na internoj saobraćajnici, te o nabavci materijala za gradnju javne rasvjete – glavna komunikacija. Dakle, sve ono što je potrebno da bi u konačnici mogli dobiti ono što želimo. Biće još ugovora, naravno. Ima tu još posla, težimo da sve bude jasno, sigurno i transparentno. Mogli ste kroz intervju primjetiti da najviše govorim o "Pilani". Razlog za to jeste što je ona trenutno jedini konkretan način na koji možemo riješiti goruća pitanja, kao što su, naprimjer, nezaposlenost i loša ekonomska slika.

KONAČNO SE RJEŠAVA PROBLEM SA PSIMA LUTALICAMA U SARAJEVU

SARAJEVO, 27. decembar/prosinac (Sarajevo-x) – Općina Ilidža će graditi azil za životinje kapaciteta 130 mjesta, za potrebe ove općine, potvrdio je načelnik Senaid Memić

Prema Memićevim riječima, sklonište za životinje će biti građeno u Rakovici, ali ne na mjestu koje je bilo planirano u okviru Terapijske zajednice Kampus.

"Mi smo Terapijskoj zajednici poručili da, prema zakonskoj proceduri, sama traži dokumentaciju za azil u svom sastavu. Istovremeno, odlučili smo i da sami gradimo sklonište za životinje, također na području Rakovice, kako bismo samostalno riješili gorući problem u vezi sa psima lutalicama na svom području", rekao je Memić.

Kako saznaje Sarajevo-x.com, za dva dana će biti potpisan i sporazum o sufinansiranju objekta azila/skloništa za životinje u Prači, u Bosansko-podrinjskom kantonu.

Tim povodom bit će upriličen sastanak u zgradi Vlade KS, a kojem bi trebali prisustvovati resorni ministri privrede i zaštite okoliša u KS, Rusmir Sendić i Abid Jusić, predstavnici svih općina u KS te Gradske uprave Sarajeva.

OPĆINA KOJA SE NE BOJI KRIZE: GRAČANICA KREĆE U REALIZACIJU MILIJUNSKIH PROJEKATA

22. decembar/prosinac (e-kapija) – Općina Gračanica iduće godine planira nastaviti sa investicijama u kapitalne projekte. U tom smjeru su već pokrenuli neke aktivnosti. Prije nekoliko dana je raspisan javni poziv za zaduživanje kod komercijalnih banka.

Prema riječima Nusreta Helića, načelnika Općine Gračanica, kod komercijalnih banka planiraju se zadužiti u iznosu od 2,2 milijuna KM na period od 5 godina. Ova sredstva će iskoristiti za nastavak izgradnje sportske dvorane za učenike srednjih škola, izgradnju ključnih prometnica u gradu te povezivanje mjesnih zajednica. Ostalo su projekti rješavanja problema vodosnabdijevanja u mjesnim zajednicama.

"Radi se o ključnim projektima za Općinu, a ova sredstva će omogućiti njihov završetak", kaže nam načelnik.

Osim toga na idućoj sjednici Općinskog vijeća trebalo bi biti razmatrano pitanje zaduživanja kod Evropske investicijske banke (EIB) za kredit u iznosu od oko 4,6 milijuna KM (2,3 milijuna eura) za projekt vodoopskrbe i sanitacije čitave općine. Ovim ulaganjima planiraju trajno riješiti problem vodosnabdijevanja.

Urađena je i studija koja je potvrdila gdje su nove količine vode, gdje su glavni problemi u vodovodnoj mreži i identifikirala ključne probleme.

"Do sada je gradsko područje bilo adekvatno osigurano vodom, ali mjesne zajednice su bile bez kvalitetnog snabdijevanja. Cilj nam je doći do novih količina vode, uraditi nove sustave i dugoročno riješiti ovo pitanje na području čitave općine", navodi Helić.

Sljedeće je, kaže, izgradnja dva gradska kolektora tj. dovođenje otpadnih voda do mjesta gdje je planirana fabrika za prečišćavanje voda. Budući da se okolne mjesne zajednice susreću i sa problemom neriješene kanalizacijske mreže planira se raditi i na tom planu.

Cilj ovih ulaganja je, napominje Helić, razvoj čitave općine jer će mnogo kompanija njihovom realizacijom, dobiti posao. Ovim pokazuju i da proračun općine nije samo socijalni nego i razvojni. Inače, kredit od EIB-a će biti na 25 godina sa grace razdobljem od 6 godina. Za realizaciju ovog projekta osim spomenutih 4,6 milijuna KM od EIB-a, planirano je i oko 2 milijuna KM (milijun eura) bespovratnih sredstava iz IPA fondova, a općina će na taj iznos sudjelovati sa 28 posto. Tako da ukupna vrijednost ovog projekta iznosi negdje oko 9 milijuna KM (4, 5 milijuna eura).


KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmedmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Općina Gračanica se zadužuje kod EIB-a za 2,3 miliona eura za projekt vodoopskrbe



Grb Općine Gračanica



Gračanica



INTERVJU: ERMIN HAJDER, NAČELNIK OPĆINE BOSANSKI PETROVAC

SARAJEVO, 25. decembar/prosinac (Sarajevo-x) – Načelnik Općine Bosanski Petrovac Ermin Hajder kaže kako je jedan od problema sa kojim se susreće njegova općina komplicirana i skupa država, te kako građani imaju vlast kakvu zaslužuju. U razgovoru za Sarajevo-x.com, Hajder govori o projektima na području Bosanskog Petrovca, stanju kulture, sporta i ekonomije. Općina Bosanski Petrovac je jedna od osam općina Unsko-sanskog kantona. Sa otprilike 7.000 stanovnika leži na preko 700 kvadratnih kilometara. Trenutno je lider u proizvodnji heljde u FBiH, jedina je koja uskoro otvara 200 novih radnih mjesta, što znači upošljavanje 20 posto nezaposlenih na području općine. Općina je pretežno ruralna, povratnička, sa 13 mjesnih zajednica i četiri velikana s kojima se ponose a to su Skender Kulenović, Ahmet Hromadžić, Jovan Bijelić i Mersad Berber.

Koji su to problemi sa kojima se vaša općina trenutno susreće?

Po mome mišljenju, imamo samo jedan problem: komplicirana i skupa država. Ostalo su sve izazovi. Naravno, pokušavamo se suočiti sa izazovima, iskoristiti prednosti koje imamo, ali i iskoristiti prilike koje se otvaraju. Već tri godine, iako u vrijeme recesije, općinski budžet se realizira bez deficita, nismo uzimali kredit da bismo sanirali gubitke, jer gubitaka i nemamo. Vodimo se parolom da trošimo ono što imamo. Velike su potrebe infrastrukturne prirode i polako ih realiziramo.

Sljedeće godine krećemo sa implementacijom projekta sanacije i izgradnje kalizacionog sistema u vrijednosti od 5 miliona KM, za što smo sredstva obezbijedili iz kredita Evropske investicione banke i bespovratnih grantova IPA fondova. Konstantno radimo na proširenju vodovodne i elektroenergetske infrastrukture, a na polju zapošljavanja smo već pred velikim finišom.

Šta je to čime se Bosanski Petrovac najviše ponosi?

Ono čime se ja ponosim je činjenica da smo dokazali da se može uspjeti ako se posvetimo sebi, ako ne očekujemo isključivu pomoć sa strane. Ako imamo takav pristup, onda postajemo dovoljno vidljivi i pomoć i partnerstvo stižu sami. Već smo u kontaktima sa dvije velike sjetske kompanije koje žele graditi vjetro parkove u Bosanskom Petrovcu. Ove godine smo proizveli uljanu repicu na 36 hektara, a ogledno smo proizveli i lan. Razvijamo strategiju iskorištavanja ljekovitog bilja. Otvaraju nam se tri nove tvornice. U suštini, ono čime se Bosanski Petrovac ponosi su ljudi. Ne svi, nažalost.

Kakvo je ekonomsko stanje, koliko je ljudi zaposleno?

Ekonomsko stanje je u uzlaznoj putanji. Iako ljudi očekuju promjene momentalno, ipak je vrijeme potrebno, jer to je proces. Bosanski Petrovac je ekonomski egzistirao na drvnjoj preradi. Danas je stanje u toj oblasti katastrofalno i lokalna zajednica nema instrumente da tu učini bitne pomake za svoj biznis sektor. Nove fabrike metalne industrije, proizvodnje peleta i pogon za preradu ljekobilja i voća i povrća su fabrike koje u poslovnoj zoni donose ekonomski i egzistencijalni preokret. U proljeće 2012. godine će to imati svoj konačni učinak. Jačamo i individualnu poljoprivrednu proizvodnju.

Šta je sa zapošljavanjem mladih ljudi?

Mi koristimo sve programe koje se nude i na ovom polju. Tako smo preko programa UNDP-a uključeni u program zapošljavanja mladih, a trenutno radimo na pripremi programa za stručno osposobljavanje jer u suprotnom se može desiti da od 200 novootvorenih radnih mjesta mi nemamo dovoljno osposobljenog radnog kadra. Preko FIRMA projekta, kantonalnog Ministarstva obrazovanja, srednje škole, Zavoda za zapošljavanje i firmi koje u našem gradu otvaraju fabrike, omogućit ćemo stručno osposobljavanje za radna mjesta koja će biti otvorena.

Koliko su sport i kultura razvijeni i zastupljeni u Bosanskom Petrovcu?

Rekao bih, kao i svugdje. Vjerujem da se ova recesija se najviše na ove dvije oblasti reflektirala. Sport je dosta ugrožen nedovoljnim obezbjeđenjem sredstava, a kultura je na minimalno dovoljnom nivou. Istina je da dok privreda ne bude na višem nivou, dok ekonomska i egzistencijalna situacija ne budu kvalitetnije, sport i kultura će ispaštati. Nažalost. Trudit ću se da i dalje ova društvena nadogradnja bude adekvatna za moje sugrađane, ali za neke bitnije pomake, nažalost, sredstava nema dovoljno.



Grb Općine Bosanski Petrovac

Općina Bosanski Petrovac trenutno je lider u proizvodnji heljde u Federacije BiH i koja uskoro otvara 200 novih radnih mjesta

“Ono čime se ja ponosim je činjenica da smo dokazali da se može uspjeti ako se posvetimo sebi, ako ne očekujemo isključivu pomoć sa strane”.



Ermin Hajder, načelnik Općine Bosanski Petrovac





Uži centar Ilidže, dobilo je mogućnost korištenja interneta bez ograničenja

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Općina Prača osigurat će lokaciju, neophodnu dokumentaciju i novac za gradnju objekta, dok će Kanton i općine izdvojiti novac za iznajmljivanje i održavanje skloništa.



Da li postoje investicije stranaca u vašoj općini?

Već pomenuti proizvodni pogoni u poslovnoj zoni Gorinčani će ugostiti fabrike čiji su vlasnici ili suvlasnici u Sloveniji i Italiji. Već imamo investitore iz drugih zemalja, a svakako je jedan od najrespektabilniji vlasnik firme Pinar koji aktivno i za primjer ozbiljno radi već više od dvije godine. Šire se i zapošljavaju nove ljude. Investitori u vjetroparkove su Kanađani i Njemci.

Koja je vaša poruka Petrovčanima?

Bez želje da zloupotrijebim ovu priliku da se obratim čitaocima Sarajevo-x.com portala, ipak ću naglasiti ono što sve vrijeme govorim: građani imaju vlast kakvu zaslužuju. U pamet!

ILIDŽA DOBILA BESPLATNU WIFI KONEKCIJU

ILIDŽA, 28. decembar/prosinac – Ilidža je postala prva općina u Kantonu Sarajevu koja od danas ima besplatnu Wi Fi internet konekciju u užem centru. Načelnik Općine Ilidža Senaid Memić 28.decembra zvanično je ostvario prvu konekciju.

„Područje koje je trenutno pokriveno tj. uži centar Ilidže, dobilo je mogućnost korištenja interneta bez ograničenja. Prema trenutnoj brzini, moguće je ostvariti 100 istovremenih konekcija. To će biti dobro i za omladinu i turiste. U planu je pokrivanje i ostalih dijelova općine. U narednoj godini intenzivirat će se rad na uvezivanju MZ sa samom Općinom, čime bi građanima bilo olakšano podizanje dokumenata (vjenčani, rodni list, kućna lista...) a i smanjile bi se gužve u Šalter-Sali“ izjavio je načelnik Memić.

Vrijednost projekta je oko 4.500 KM, a izvođač radova je „Europronet“. Finansijer je Općina Ilidža.



ZA DVA MJESECA U PRAČI AZIL ZA 500 PASA LUTALICA

SARAJEVO, 29. decembar/prosinac – Danas je u Sarajevu potpisan Sporazum o sufinansiranju unajmljivanja skloništa/azila za životinje u Prači. Potpis na Sporazum su stavili ministar privrede Kantona Sarajevo Rusmir Sendić, ministar prostornog uređenja i zaštite okoliša Abid Jusić, gradonačelnik Sarajeva Alija Behmen te načelnici i predstavnici općina u Kantonu Sarajevo. Kako je najavljeno na press konferenciji, planirano je da se u naredna dva mjeseca steknu osnovni uslovi kojim će sklonište za oko 500 pasa lutalica biti stavljeno u funkciju.

Općina Prača osigurat će lokaciju, neophodnu dokumentaciju i novac za gradnju objekta, dok će Kanton i općine izdvojiti novac za iznajmljivanje i održavanje skloništa. Za ovu namjenu u 2012. godini potrebno je izdvojiti 942.000 KM, a sve pojedinosti će biti precizirane ugovorom koji će sporazumne strane potpisati početkom marta/ožujka naredne godine, kada i je planirano stavljanje objekta u funkciju.

Ministar Sendić je kazao da je zamisao da u okviru azila djeluje i higijenska služba, a sam projekt zbrinjavanja podrazumijeva i transport, čipovanje pasa, hranjenje, vakcinaciju, u nekim slučajevima i eutanaziju pasa pa čak i njihovo sahranjivanje.

"Ovo je kompleksan i dugoročan projekt u koji se moraju uključiti i eksperti veterinarske, pravne i ekonomske struke. Trenutno imamo vanrednu situaciju koja zahtijeva i vanredne mjere u rješavanju ovog gorućeg problema. Procjene su da na području Kantona ima od 5.000 do 20.000 pasa lutalica i jedan azil ne može riješiti taj problem. Mi pokušavamo da ovim projektom zbrinemo najagresivnije pse s mjesta na kojima su građani potencijalno najugroženiji", istakao je ministar Sendić i dodao da će se u dogledno vrijeme razmotriti mogućnosti proširivanja kapaciteta za zbrinjavanje pasa lutalica.

Također je dodao da će se uporedo sa realizacijom ovog projekta nastaviti i aktivnosti na kastraciji i sterilizaciji pasa putem Kantonalne veterinarske stanice.

Prema riječima ministra Jusića namjera je da se na ovaj način postigne i veća komunalna higijena. Planirano je da u prvoj fazi projekta, a nakon što azil bude u funkciji, na terenu interveniraju i ekipe higijenskog servisa, koje bi djelovale po dojavama građana ili općinskih subjekata. Za tu svrhu, kako je predviđeno, bit će otvorene i posebne telefonske linije.

Strane potpisnice Sporazuma obavezale su se da će u svojim budžetima za 2012. godinu planirati sredstva za plaćanje zakupa skloništa. Ministarstva privrede i prostornog uređenja i zaštite okoliša Kantona Sarajevo izdvojiti će po 200.000 KM, Grad Sarajevo 100.000, a ostatak sredstava će osigurati općine.

Savez / Zajedno za uređenu i razvijenu lokalnu samoupravu

IVO JERKIĆ INO, NAČELNIK OPĆINE ČITLUK: PRIORITET INFRASTRUKTURNI PROJEKTI

(e-kapija) Ivo Jerkić, načelnik općine Čitluk, rođen je 3. lipnja 1959. u Blizancima, općina Čitluk. Osnovnu i srednju školu završio je u Čitluku. Nakon toga, upisao je i završio Ekonomski fakultet u Mostaru, smjer financijsko-računovodstveni. Nakon 25 godina rada na raznim poslovima u struci, na mjesto načelnika općine Čitluk izabran je 2004., a nakon toga ponovno 2008.

Dobitnik je i priznanja najnačelnik na svečanosti Najmenadžer BiH, jugoistočne i srednje Europe za 2009. Uz gradonačelnike Ljubljane i Zagreba te načelnike Prijedora, Srpsca, Pala, Zenice i Bihaća, nagrađen je sa ovim priznanjem za izniman doprinos i zasluge na izgradnji brojnih gospodarskih i infrastrukturnih objekata značajnih za razvoj cijeloga Brotnja.

U medijima je do sada naglašavao da je glavna bolika općine Čitluk nedostatak gradske obilaznice. Kako su krenuli u rješavanje tog problema pokazuje i činjenica da je već urađen glavni projekt, ali još nisu sigurni kada će osigurati sredstva. Također, jedan od kapitalnih projekata koje planiraju u idućoj godini je izgradnja kanalizacione mreže u Međugorju.

Pored spomenutog najavljuje i izgradnju vanjskog školskog sportskog terena Čitluku, te izgradnju sportske dvorane u dvije škole u općini. No i za ove projekte će im trebati financijska potpora vlasti sa viših razina.

Ovo nisu jedine aktivnosti u Općini. Trenutačno rade i na izgradnji dvije potpuno nove lokalne prometnice. Jedna je lokalna prometnica u Međugorju, radi se o prometnici koja će se spajati s budućom regionalnom cestom Čitluk - Čapljina. Ovu prometnicu jednim dijelom financira Općina Čitluk, a drugi dio iz sredstava GSM licenci 2008. i dio 2009. koja je odobrila federalna Vlada. Druga lokalna cesta je cesta od Dragičine prema Čerinu u dužini oko 700 metara, a nju u potpunosti financira Općina.



Grb Općine Čitluk



Čitluk

ZAVIDOVIĆI DOBILI NOVE KONTEJNERE



U Javno komunalno preduzeće „Radnik“ d.o.o. Zavidovići stigli su novi kontejneri za odlaganje komunalnog otpada i papira, navodi se na web stranici Općine Zavidovići.

Na osnovu ugovora zaključenog dana 18.08.2011. između Općine Zavidovići i preduzeća „Gradatin“ d.o.o. Sesvete, Republika Hrvatska, navedeno preduzeće je isporučilo 190 kontejnera zapremine 1,1 m³ za odlaganje komunalnog otpada, 86 kontejnera zapremine 1,1 m³ za odlaganje papira i 3 skip kontejnera zapremine 5,0 m³.

Nabavka navedene opreme dio je provođenja projekta proširenja usluga prikupljanja komunalnog otpada u skladu sa Općinskim planom upravljanja otpadom 2011-2016. godine koji je usvojilo Općinsko vijeće na 38. sjednici održanoj 14.10.2011. godine.

Ovim projektom planirano je proširenje pokrivenosti obavljanja usluga organizovanog prikupljanja otpada na nekoliko mjesnih zajednica čiji stanovnici do sada nisu bili korisnici navedenih usluga: MZ Gostović, MZ Donji Gostović,

MZ Lovnica, MZ Mahoje, MZ Kovači, MZ Stipovići i dio MZ Klek, odnosno naseljeno mjesto Potklečje koje do sada nije bilo obuhvaćeno sistemom organizovanog prikupljanja otpada. Projektom je obuhvaćeno oko 13.000 stanovnika, odnosno 3.700 domaćinstava, a otpad bi se trebao prikupljati na 92 lokacije sa po 3 kontejnera od kojih je po jedan na svakoj lokaciji predviđen za odlaganje papira i PET ambalaže.

Ovaj projekat, kao i projekat nabavke velikog kamiona za odvoz komunalnog otpada koji je trenutno u proceduri, finansirala je vlada Kraljevine Švedske posredstvom Švedske agencije za međunarodni razvoj – SIDA, dok je pripremu Općinskog plana upravljanja otpadom 2011-2016. godine izvršila Općina Zavidovići uz pomoć konsultantske agencije „Grontmij“ iz Danske čiju aktivnost takođe finansira Vlada Kraljevine Švedske.

Trenutno su u toku aktivnosti oko pribavljanja potrebnih saglasnosti za određivanje kontejnerskih lokacija, nakon čega će nabavljeni kontejneri moći služiti svojoj namjeni u cilju pružanja što kvalitetnijih komunalnih usluga građanima općine Zavidovići.





KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Visina granta nije
limitirana, ali do sada
odobravani bili su u
rasponu od 100.000 do
3.500.000 EUR

POZIV ZA DOSTAVLJANJE APLIKACIJA ZA SEDMU RUNDU INVESTICIONOG OKVIRA ZA ZAPADNI BALKAN

U okviru „Investicijskog okvira za Zapadni Balkan (WBIF)“ – 7. runda, objavljen je poziv za dostavljanje zahtjeva za grant sredstava. Poziv je otvoren do 20. februara/veljače 2012. godine, a aplicirati mogu javni i privatni subjekti, ili subjekti sa mješovitim javnim i privatnim kapitalom zaduženi za pružanje javnih usluga, njihovo upravljanje, ugovaranje i izgradnju.

Zahtjevi za grant sredstvima moraju biti povezani sa investicijom, te trebaju biti praćeni kreditnim aranžmanom (koji je u fazi pregovaranja ili je već sklopljen) između BiH i neke od međunarodnih finansijskih institucija uključenih u WBIF.

Visina traženog granta nije limitirana, ali do sada odobravani grantovi bili su u rasponu od 100.000 EUR do 3.500.000 EUR.

Investicijski okvir za Zapadni Balkan (eng. Western Balkans Investment Framework – WBIF) je zajednička inicijativa Evropske komisije i partnerskih međunarodnih finansijskih institucija (Evropske investicijske banke, Evropske banke za obnovu i razvoj i Razvojne banke Vijeća Evrope), čiji cilj je da se za prioritetne projekte u regionu objedine i koordiniraju različiti izvori finansiranja (prvenstveno krediti) sa grant sredstvima. Investicijski okvir za Zapadni Balkan zamjenjuje program Podrška projektima infrastrukture (eng. Infrastructure Projects Facility – IPF) Evropske unije iz kojeg je BiH povlačila finansijska sredstva od 2008. godine.

WBIF sačinjavaju Zajednički fond za grant sredstva i Zajednički fond za kreditiranje. Finansijska sredstva Zajedničkog fonda za grant sredstva su namijenjena projektima koji su podržani kreditima partnerskih međunarodnih finansijskih institucija - Evropske investicijske banke, Evropske banke za obnovu i razvoj, Razvojne banke Vijeća Evrope i KfW banke (koje neformalno sarađuju unutar Zajedničkog fonda za kreditiranje), kao i ostalih finansijskih posrednika, a u prioritetnim oblastima infrastrukture i ostalim oblastima koje podržavaju socio-ekonomski razvoj.

Finansijska sredstva Zajedničkog fonda za grant sredstva se formiraju iz Instrumenta za prepristupnu pomoć – IPA komponente I (njene višekorisničke komponente, uz mogućnost kontribucije iz državnog IPA programa pomoći), grant sredstava partnerskih međunarodnih finansijskih institucija, i grant sredstava zemalja članica EU i drugih donatora u sklopu Evropskog zajedničkog fonda za Zapadni Balkan.

Oblasti koje podržava WBIF su:

- transport: željeznički saobraćaj, unutrašnji plovni putevi, cestovni saobraćaj, luke, aerodromi, objekti na granicama...
- okoliš: vodosnabdijevanje, tretman otpadnih voda, kanalizacije, upravljanje čvrstim otpadom i opasnim otpadom, kontrola emisija
- energija: obnovljivi izvori energije, sistemi povezivanje, prenos, hidroenergija, plinovodi...
- energetska efikasnost i ušteda energije
- socijalni sektor: škole, bolnice i zdravstveni centri, socijalni stambeni smještaj, ostale javne ustanove
- podrška malim i srednjim preduzećima i finansijskom sektoru
- ostali sektori koji podržavaju socio-ekonomski razvoj, ukoliko ih odobri Upravni odbor Investicijskog okvira za Zapadni Balkan.

Grant kojim se finansira određeni investicijski projekat može biti u obliku:

1. Tehničke pomoći: finansiranje tehničke pomoći uključujući pripremne radove vezane za podobne investicijske projekte kao što su procjene učinka, studije izvodljivosti, detaljan plan, nadzor nad projektom, te ciljano jačanje kapaciteta i implementacija pomoći.
2. Investicijskih grantova: direktni grantovi za posebne projektne komponente, kao i podsticajni programi zasnovani na učinku institucija zaduženih za realizaciju.
3. Podsticajnih plaćanja finansijskim posrednicima.
4. Subvencije kamatnih stopa: obezbjeđenje paušalnog iznosa kako bi se osiguralo da se zajam potreban za investicijski projekat može dobiti po nižim kamatnim stopama.
5. Premije osiguranja: finansiranje premije osiguranja potrebne za realizaciju investicionog projekta.

Informacije o pozivu možete naći i na web stranici http://www.wbif.eu/attached_documents/9963/3310/WBIF_round_7.pdf.

Za sva pitanja vezana za Investicijski okvir za Zapadni Balkan, ili potrebe za podrškom u izradi aplikacija, možete se obratiti Sabini Granov na e-mail sabina.granov@dei.gov.ba, ili putem telefona 033 703 172. Podršku i informacije pri izradi aplikacija pruža i IPF ured u BiH, a kontakt je Svjetlana Vukmirović, 033 941 272.



Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u

facebook | join our group +

POSJETITE NAS NA WEB-U

WWW.SOGFBIH.BA

OSMA OSNOVNA ŠKOLA OD SADA NOSI IME OSMA OSNOVNA ŠKOLA „AMER ČENANOVIĆ“

"Amer Čenanović je bio čovjek koji je život ispunio radom, napretkom i dobrotom. Gradio je škole, sportske dvorane, multimedijalne sale, igrališta, parkove. Velika djela ostala su iza njega. Uvijek je bio nasmijan, vedar, sa toplim riječima podrške, davao nam je poticaj za sve naše planove i projekte. Posebnu podršku pružao je našim učenicima, mladosti općine Ilidža. Znao je sa čovjekom, a to može samo čovjek. Čitav život je ostao dosljedan istini, pravdi i ljudskosti. Zahvalni smo mu za svaku pohvalu, svaki savjet... jer je bio čovjek sa vizijom koja je bila odraz njegove mogućnosti", ovim riječima 22. decembra/prosinca 2011. obratila se Kadrija Vejselović, direktorica Osme osnovne škole "Amer Čenanović", škole u kojoj je Amer Čenanović bio prvi direktor, a koja od danas nosi njegovo ime.

"Od Amera smo naučili, kako jedan čovjek svojim radom, trudom, poštenjem i vjerom može biti dobar otac, suprug, komšija, načelnik, a bio je i ostao ljudska veličina koja će se dugo pamtiti. Ilidža će pamtiti Amera, kao čovjeka čija vjera u ove ljude nije prestajala ni u trenucima kada je bilo najteže, čovjeka koji je imao strpljenja za svakoga da ga sasluša, pomogne onoliko koliko je mogao. A nama ostaje da nastavimo onako kako je on želio. To je čovjek za pamćenje, poštovan, poslu predan i ostao Ilidži odan, a mi obećavamo da ćemo nastaviti njegovim stopama. Hvala mu za sve" kazao je načelnik Općine Ilidža prof. dr. Senaid Memić.

Načelnik Čenanović je sa pozicije prvog čovjeka općine Ilidža bio veoma aktivan u organima i tijelima Saveza općina i gradova Federacije Bosne i Hercegovine.

Vršio je dužnost člana Predsjedništva Skupštine Saveza, kao najvišeg izvršnog tijela Saveza u mandatom periodu od 2007. do 2009. godine i od 2009. do 2012. godine. U radu Predsjedništva njegov nesebičan i konstruktivan angažman bio je veoma zapažen i nezaobilazan.

Pored formalnog učešća u tijelima Saveza, načelnik Čenanović je aktivno participirao u nizu skupova koje je organizirao Savez. U ime Saveza otvorio je veliki broj radionica, seminara i konferencija, gostovao na TV i radio emisijama, davao intervjue za novinske, TV i radio kuće.

Značajan broj inicijativa koje su upućene od strane Općine Ilidža prema tijelima Saveza rezultat su njegovog zalaganja za napredak i uspon svakog segmenta života stanovnika na području općine Ilidža i Bosne i Hercegovine.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Amer Čenanović



8. Osnovna škola "Amer Čenanović"

Savez / Zajedno za uređenu i razvijenu lokalnu samoupravu